

胞與堂丸散譜

興堂丸散譜引

道理與法而已非理無以立  
以立方多方無論何以補病  
乃何以模倣余友九有氏之丸  
述內經羽翼本草其理其法真  
日月矣使人知方在、解劑

不益薪粟以行於世而與天地相終始  
者哉余甚珍之詳為披閱請付剞劂為  
惜因題其端曰揖生秘剖復贅數言於  
簡端惟愧揚摧之未既

雲陽張夬書於儀曹清署

胞與堂丸散譜引

家大人及余皆好軒岐家言因與九有氏善九有氏美秀而文旁精於醫而一片婆心自謂天地萬物本吾一體嘗名其堂曰胞與戊寅冬以所秘授方及已秘創者拈出而詳說之其於攝生之道可謂一剖無餘矣且鐫之成譜以公諸人其利濟之

心抑何溥哉使人人操是心以行則畛域化鄙吝  
消疹戾不作舉天下後世皆蒙其澤寧直一方一  
時已耶胞與之名良不虛矣凡見之者亡不傾嚮  
之微獨張撤老儀部迫余兩人也

吳興友弟陳肇英書於揮羽堂

晚興堂丸散譜引

夫醫世所傳陰功養生居半者也龍門  
太史叙秦越人淳于意之奇至已而惜  
其身之不免何也豈其擅一技暖姝  
因之呂利肆欲所謂以藥石鍼齊和天  
地之乖沴輔人事之不及者未講也余  
友洪九有以碩儒攻醫探諸經驗奇方

悉譜而詳說之付梓行傳濟域中疾苦  
真所謂民為胞物為與之盛心也近隲  
其身為羨門廣成遠隲其昆裔翼明時  
膺茂祉者不簪可知已余見而欽之特  
書數語簡端以為異日左券

東瀛林冲霄題于環碧清署

醫國刺長才方外經綸

書是藥

調元藉妙手人間游戲

佛為心



贈

九有詞丈

楚人友弟關士登

胞與堂治目丸散譜引

竊聞目者太乙之精也左字英明右  
字靈光司之者左則有王子喬右則  
有赤松子籍或昏眊至抹療豈易言  
哉余友洪九有氏探奇方於東王父  
啟矇開瞶不下千百十人而猶憾其

軫之之法隘也乃以肘後神授者付  
剗剗以廣其傳蓋欲遐邇俯懷之俾  
俾莫之者再鑄之以良眎也此其功  
直侔西竺金篦區區杼蓬瀛之秘與  
喬松爭治者又不足言矣

豫章江泰拜手題

訂九散譜緣起

余性嗜醫每於業儒之暇旁搜醫典究心於茲蓋亦有年  
因走四方就正有道原夫醫理惟方與法而已歸來日讀  
三世四家之言以窮其法覓方心切更榜其門曰兌換奇  
方海內高人異士懷奇方者咸折節而辱教焉錄是廿載  
辛勤倒屣負笈總其所得之方彙以萬計特拈其九散方  
之最神奇最切用者若干種製以療人輒施輒効信乎古  
昔神良之醫洞窺造化熟曉陰陽按證處方自有精理胡  
世之執流忘源泥方遺理也此九散之不能已於說矣乃  
於其升降浮沉寒熱溫平良毒之性宣通補瀉輕重滑澀  
燥濕反正進從之理揆之於經酌以心見參之於證演以

庸言叢綜詳悉各鐫成篇今千世而下猶見先哲立方深  
意以免妄投說中有所援引仍繫書目更為之刪繁補畧  
務闡方旨透徹而止凡發一丸散必附一說以告故每篇  
贅以堂名姓氏以誌余藥耳不意格理尋源之士遐邇來  
索因合為譜然而堂名姓氏殊覺贅煩寧不貽笑大方乎  
切欲削去棄分用處多今姑存之得是譜者幸為諒焉是  
譜也乃余一片婆心願天下為有本之學苟有志乎醫者  
於此譜而推廣之醫理雖深其於處方用藥思過半矣又  
如嘉遯山林遨遊湖海求良醫而不速得按譜而斟酌自  
藥焉則亦尊生之一助云此譜之所繫訂也

新安洪基謹識

畫一 元散總目

|       |       |       |       |       |       |       |       |       |     |       |     |       |       |
|-------|-------|-------|-------|-------|-------|-------|-------|-------|-----|-------|-----|-------|-------|
| 天王補心丹 | 班龍丸   | 八味地黃丸 | 虎潛丸   | 孔聖枕中丹 | 健脾養胃丸 | 枳朮丸   | 越鞠丸   | 愈風丹   | 漆痰丸 | 五神丸   | 戊己丸 | 滋陰潤腸丸 | 喉閉散   |
| 人參固本丸 | 六味地黃丸 | 金匱腎氣丸 | 魚鱉丸   | 松苗丹   | 調中平胃丸 | 香砂枳朮丸 | 牛黃丸   | 珠珀益元散 | 三黃丸 | 木香檳榔丸 | 四神丸 | 脾約丸   | 白糜散   |
| 補天大造丸 | 七味地黃丸 | 滋陰大補丸 | 扶桑至寶丹 | 參苓白朮散 | 保和丸   | 橘半枳朮丸 | 九製稀莖丸 | 清氣化痰丸 | 左金丸 | 香連丸   | 養樂丸 | 九龍丹   | 明目地黃丸 |

黃連羊肝丸

千金補腎丸

痔漏丸

衛生寶

保胎丸

帶下丸

肥兒丸

十珍膏

參朮膏

養生主

五五酒

靈飛散

風寒痰濕膏

謹訂丸散膏酒八十種於胞與堂中時

崇禎戊寅孟冬之吉

千金磁珠丸

青娥丸

珠珀蠟蟾丸

八珍益母丸

達生散

小兒至寶丹

龜鹿膏

二冬膏

山薊膏

鮮春醪

美婢醪

五脂膏

固精益腎煖臍膏

石斛夜光丸

化毒丸

小牛黃丸

調經種子丸

崩漏丸

抱龍丸

瓊玉膏

杞圓膏

玄及膏

百藥長

斷蛇醪

御驗膏

新安洪九有

製

天玉補心丹

治心血不足神志不寧津液枯竭健忘怔忡大便不利口舌生瘡等證

人參去蘆

丹參微炒

玄參微炒

白茯苓

去皮

五味子烘

遠志

去木炒

桔梗

各五錢

當歸身

酒洗

天門冬

去心

麥門冬

去心

柏子仁

炒

酸棗仁

炒各二兩

生地黃

酒洗四兩

辰砂

五錢為衣

右為末煉蜜丸如梧桐子大空心白滾湯下三錢或圓眼湯俱佳忌胡荽大蒜蘿蔔魚腥燒酒



心者神明之官也。憂愁思慮則傷心。神明受傷則主不明。而十二官危。故健忘怔忡。心主血。血燥則津枯。故大便不利。舌為心之外候。心火炎上。故口舌生瘡。是凡以生地為君者。取其下入足少陰以滋水。主水盛可以伏火。況地黃為血分要藥。又能入手少陰也。棗仁遠志栢仁養心神者也。當歸丹參玄參生心血者也。二冬助其津液。五味收其耗散。參苓補其氣虛。以桔梗為使者。欲載諸藥入心。不使之速下也。頭生微論

胞與堂主人洪九有

人參固本丸

治腎虛肺熱喘嗽發渴等證

人參 去蘆二兩

天門冬 去心槌薄曝

麥門冬 去心槌薄曝

生地黃 酒洗槌薄曝

熟地黃 忌鐵杵膏各

右為末煉蜜丸如梧桐子大空心白滾湯下

三錢 忌蘿蔔魚腥

天一生水故腎為萬物之原人身之本也自戕

其原則本不同而勞熱作矣熱則火來乘金而喘嗽生焉故取生熟地黃味之厚者以補腎涼腎爲君精不足者補之以味也取天麥門冬氣之清者以平肺保肺爲臣虛則補其母也以人參補氣爲佐內經所謂無陽則陰無以生亦取化源之法也倘肺熱傷肺之說橫於胸中畏參不用則獨陰不長將坐而待斃耶願生微論

胞與堂主人洪九有

六味地黄丸

治腎經不足發熱作渴小便淋秘氣壅痰嗽頭目暈眩眼花  
耳聾咽燥舌痛齒牙不固腰膝痠軟自汗盜汗諸血失音水  
泛為痰血虛煩燥下部瘡瘍足跟作痛等證補益之功不能  
盡述

熟地黄

八兩忌  
鐵杵膏

山茱萸

酒潤  
去核

乾山藥

炒各  
四兩

牡丹皮

酒洗  
微炒

白茯苓

去皮  
乾製

澤瀉

去毛酒浸  
焙各三兩

右為末煉蜜丸如梧桐子大空心淡鹽湯下三錢 忌蘿蔔

腎者水臟也水衰則龍雷之火無畏而亢上故王啟玄曰壯水  
之主以制陽光即經所謂求其屬而衰之也地黄味厚為陰中  
之陰專主補腎填精故以為君山茱萸味酸歸肝乙癸同治之

義且腎主閉藏而酸欬之性正與之宜也山藥味甘歸脾安水  
之仇改用二味爲臣丹皮亦入肝其用主宣通所以佐萊菔之  
泄也茯苓亦入脾其用主通利所以佐山藥之滯也且色白屬  
金能培肺部又有虛則補母之義至於澤瀉有三功焉一曰利  
小便以清相火二曰行地黃之滯引諸藥速達腎經三曰有補  
有瀉諸藥無喜攻增氣之虞故用以為使此丸爲益腎之聖藥  
而昧者薄其功緩置用藥者有四失也一則地黃非懷慶則力  
淺一則地黃非自製則不熟且有犯鐵之弊一則疑地黃之滯  
而減之則君主弱一則惡澤瀉之泄而減之則使者微猶是四  
失而顧皆藥之無功毋乃愚乎願生微論

胞與堂主人洪九有

七味地黄丸 舊名加減八味丸以其混故改正之

治腎水不足虛火上炎發熱作渴口舌生瘡或牙齦潰爛咽喉作痛或形體憔悴寢汗發熱五臟齊損大拒上焦等證。

熟地黄 八兩忌鐵杵膏 山茱萸 酒潤去核

乾山藥 炒各四兩 牡丹皮 酒洗微炒

白茯苓 去皮乳製 澤瀉 去毛酒浸焙各三兩

肉桂 去皮忌火一兩

右爲末煉蜜丸如梧子大空心淡鹽湯下三錢忌蘿蔔腎水不足虛陽僭上必用此丸引火歸原夫在君火可以濕伏可以直折在相火惟當從其性而伏之肉桂性熱與

火同性雖在下焦壯水藥中能引無根虛火降而歸經此方以類聚之義也且肉桂之質在中半以下故其性專走腎經下部此本乎地者親下之義也又況相火寄於甲乙之間肝膽木旺則巽風動而烈焰明古人謂北方不可瀉瀉肝即所以瀉腎本草曰木得桂而枯乃伐肝之要藥也經曰熱因熱用從治之妙法正與逆其性而伏之義相合或者畏其熱而遺之豈達造化升降之微乎黃柏知母治相火僅可施於壯寔者暫用之若虛火而誤用之則腎因瀉而愈虛愈虛而虛火愈熾矣素問氣增而勝及久用寒涼反從火化之說獨不聞乎。順生微論

胞與堂主人洪九有

八味地黄丸

治命門火衰不能生土以致脾胃虛寒飲食少思大便  
不實臍腹疼痛夜多漩溺或陰格陽內真寒而外假熱  
等證

熟地黄 八兩忌鐵料膏

山茱萸 酒潤去核

乾山藥 炒各四兩

牡丹皮 酒洗微炒

白茯苓 去皮乳製

澤瀉 去毛酒浸焙各三兩

肉桂 去皮忌火

熟附子 如法詳製各一兩

右爲末煉蜜丸如梧子大空心淡鹽湯下三錢忌蘿蔔  
腎有兩枚皆屬於水雖有左右之分初無水火之別考之  
內經昭然可曉仙經曰兩箇一般無二樣中間一點是真



精又曰兩腎中間一點明夫真精也明也即命門相火也  
命門乃穴名而其穴在兩腎中間蓋一陽生於二陰之間  
所以成乎坎而象天之北也經曰少火生氣人無此火生  
化之原或幾乎息矣是丸也肉桂附子味厚而辛熱味厚  
則能入陰辛熱則能益火故能入少陰而益命門之火地  
黃山萸味厚而質潤味厚則能養陰質潤則能壯水故能  
滋少陰而壯坎中之水火欲實則澤瀉丹皮之鹹酸可以  
引而瀉之水欲實則山藥茯苓之甘淡可以滲而制之水  
火得其養則腎復其天矣王太僕曰益火之原以消陰翳  
八味丸是也

金匱腎氣丸

治脾胃大虛腰重脚重小便不利肚腹腫脹四肢  
浮腫喘急痰盛已成蠱症其効如神。

熟地黃

四兩忌鐵杆膏

白茯苓

去皮乳製三兩

山茱萸

酒潤去核

乾山藥

微炒

牡丹皮

酒洗微炒

澤瀉

去毛酒浸焙乾

車前子

微炒

川牛膝

酒洗焙乾

肉桂

去皮忌火各一兩

附子

如法製熟五錢

右爲末煉蜜丸如梧桐子大空心白滾湯下三錢

忌蘿蔔

先哲謂土爲萬物之母水爲萬物之源身中所最重者脾虛則土不能制水腎虛則水不能安位故運行而泛濫於皮膚之間因而坎逐虛虛之禍殆不可言八味丸脾腎要藥佐以車前泄太陰之水佐以牛膝開少陰之竅故服之則小便如泉而脹可通已又無損於真元之氣也

順生微論

胞與堂主人洪九有

識

天一膏

雪藥 補腎汁 沙蔞 天冬 五昧子 黃元 補腎 此藥可作 固氣之藥 枸杞子 共熟滴木 同法市販 入白蜜二 減清脂 化一匙下

滋陰大補丸

治陰陽兩虛平補之劑

熟地黃 二兩 川牛膝

山藥 各一兩五錢 山茱萸 去核

杜仲 薑汁炒去絲 白茯苓

巴戟天 去心 五味子 炒

小茴香 炒 肉苁蓉

遠志 去心各一兩 石菖蒲

枸杞子 各五錢俱製爲末

紅棗肉爲丸如梧子大空心白湯下錢  
地黃牛膝杜仲山萸五味枸杞滋陰藥也  
已戟茯苓茴香遠志菖蒲山藥茯苓紅棗  
養陽藥也滋陰者潤而不寒養陽者溫而  
不熱丹溪翁立方之穩大都如此中年之  
人服之殊當 醫方考

胞與堂主人洪九有

虎潛丸

治腎陰不足筋骨痿軟不能步履

黃柏

鹽酒炒

知母

鹽酒炒

熟地

拌各三兩

鎖陽

當歸

各一兩半

陳皮

去白

白芍

酒炒

牛膝

各兩

虎脛骨

一兩酥炙透

敗龜板

四兩酥炙透

右為末煮羯羊肉搗為丸如梧桐子大淡鹽

湯送下三錢

或溫酒亦可

人之一身陰氣在下陰不足則腎虛腎主骨故  
艱於步履龜屬北方得天地之陰氣最厚故用

以爲君虎屬西方得天地之陰氣最強故用以爲臣獨取脛骨從類之義也用此二物者古人所謂草木之藥性偏難効氣血之屬異類有情也黃柏知母所以去骨中之熱地黃歸芍所以滋下部之陰陰虛則陽氣泄越而上故加鎖陽以禁其上行加陳皮以導其下降精不足者補之以味故用羊肉爲丸命曰虎潛者虎陰也潛藏也欲其封閉氣血而退藏於也順生微論

胞與堂主人洪九有

孔聖枕中丹

治學問易忘此丸服之令人聰明

敗龜板

醋炙

龍骨

研為末入雞腹中煮一宿

遠志

去心苗

菖蒲

九節者去毛切片各等分

右為末蜜丸一錢一丸每服一丸溫酒化下

日三一方為散亦可

方考曰凡人多識不忘者心血足而無所蔽也若心血不足邪氣蔽之則傷其虛靈之體而學



問易忘矣龜介蟲之靈物也龍鱗蟲之靈物也  
用龜甲龍骨者假二物之靈養此心之靈欲其  
同氣相求云爾遠志辛溫味厚辛溫可使入心  
味厚可使養陰菖蒲味辛氣清味辛則利竅氣  
清則通神學問寧復易忘耶是方也出於孫真  
人千金方其來必有所自但曰孔聖枕中方則  
未敢是非也

胞與堂主人洪九有

新苗丹 三品 一曰上丹 二曰中丹 三曰小丹 以應天地人

上丹 不犯金石桂附

五味子 半斤 百部酒浸 玉女澆絲子肉 茯苓酒浸 思仙木 杜仲

不凋草 去心 細草 去心 仙人杖 狗脊 防風 桂枝 白茯苓

思益 然 床子 栢子仁 另研 乾薯蕷 各上十二兩

右末之 蜜煮 麴糊 為丸 如梧桐子大 空心溫酒下 二十粒 至三十粒 不飲者

鹽湯下 春乾 藥湯下 夏五味子加四兩 通稱十二兩 四季從蓉加六兩 通稱

半斤 各十八日 四立之前也 秋仙人杖加六兩 冬細草加六兩 戊寅戊申相

火司 天中見火 運食後 煎養肺平熱藥

中丹 用桂附而無金石

黃耆 白水者 羊棗陰也 白芍藥 當歸 各四兩 黑附子 大者 炮

黃芩 各一兩 與黑附子 蜀椒 去子 一 茯苓 二兩 人參 二兩 桂枝 去皮 二兩

右末之 藥米粥和 劑為丸 如梧桐子大 食前酒下 二三十粒

小丹 有乳石以扶衰 氣定者去乳石

生地黃 肉蓯蓉 兔絲子 酒浸 五味子 各五 栢子仁 另研

石斛

已戟去心

天門冬去心

蛇床子炒

覆盆子各三兩

續斷

澤瀉

人參

乾薑預

遠志去心

菖蒲

桂去皮

白茯苓

山茱萸去核

杜仲剉炒各二兩

天雄炮去一兩或煉鍾乳粉服一兩氣完者去

右末之蜜和劑丸如梧桐子大空心酒服十粒或八粒去乳粉者十五二十

粒忌五年生蔥蕪菜錫鯉虛人多記去乳粉停地黃虛人多忘倍遠志茯苓

神虛人吸吸倍覆盆子欲光澤倍栢子仁風虛倍天雄虛寒倍桂小便赤濁

三倍茯苓一倍澤瀉嘔逆倍人參

啟玄子曰南陽真人張仲景戒人妄服燥烈之藥謂藥勢偏有所助勝尅流變

則百病生焉余師玄珠先生秘授保神守中和暢榮衛樂三方命曰耘苗丹者

欲以彰微妙之旨謂人若妄服燥烈藥乃問苗之不長而根之者也人年高或

少而稟氣受血不強舍此三藥而弗嘗者是不耘苗者也余按玄珠君耘苗丹

品具五味妙應三才真祖隱徂吟絲絲其應者也其功八詎出南陽真人下哉

但恐傳之不廣乃命剞劂與世共之

胞與堂主人洪九有

胞與堂主人洪九有

參苓白朮散

治脾胃虛弱不思飲食

人參

白茯苓

去皮

白朮

土炒

砂仁

微炒

甘草

炙

山藥

炒

桔梗

焙

薏苡仁

炒

藟豆

炒

蓮肉

去心

右等分爲末不拘時白滾湯調下二三錢

忌生冷麪食魚腥

脾胃者土也土爲萬物之母諸臟腑百骸受氣

於脾胃而後能強若脾胃一虧則衆體皆無以  
受氣日見羸弱矣故治雜證者宜以脾胃爲主  
然脾胃喜甘而惡苦喜香而惡穢喜燥而惡濕  
喜利而惡滯是散也人參藕豆甘草味之甘者  
也白朮茯苓山藥蓮肉薏仁甘而微燥者也砂  
仁辛香而燥可以開胃醒脾桔梗甘而微苦甘  
則性緩故爲諸藥之舟楫苦則喜降則能通天  
氣於地道矣醫方考

胞與堂主人洪九有

健脾胃丸

治脾胃虛弱男女老少皆宜常服

人參 五錢

白朮 土炒 二兩

白茯苓

廣陳皮

當歸 酒洗

白芍藥 炒

麥芽 炒 各一兩

木香 五錢

半夏 麴 一兩

山藥 二兩

枳實 五錢

右為末陳米糊為丸如椒目大每服三錢食

後白滾湯送下

脾胃屬土故土為萬物之母母旺則衆體皆強  
母傷則衆體皆病此東垣諄諄以脾胃為言也  
是丸也人參白朮以益其氣當歸白芍以滋其  
血木香陳皮以利其滯麥芽枳實以消其積半  
苓山藥以燥其濕濕者燥之積者消之滯者利  
之血主濡之氣主煦之則不剛不柔而無過不  
及之患脾胃既得其養又安有不強健者哉

胞與堂主人洪九有

調中平胃丸

治脾胃虛弱中氣不調

人參五錢黃耆蜜炙陳皮各二兩

甘草蜜炙蒼朮淋浸炒厚朴薑汁炒

木香各一兩

右爲末陳米糊爲丸如椒目大食

後白湯下三錢或二錢



人參黃耆甘草甘溫之品也甘者中  
之味溫者中之氣氣味皆中故能調  
補中氣而蒼朮厚朴之苦辛能平胃  
中敦阜之氣陳皮木香之辛香能去  
胃中陳腐之氣夫敦阜之氣平陳腐  
之氣去寧有不調之中乎

胞與堂主人洪九有

保和丸

治飲食內傷令人惡食者此丸主之

山楂肉

二兩

神麴

炒

半夏

薑汁製炒

茯苓

各一兩

蘿蔔子

微炒

陳皮

連翹

各五錢

右爲末水跌丸如椒目大食後白湯下三錢  
傷於飲食故令惡食諸方以屬藥攻之是傷而  
復傷也此丸藥味平良補劑之例也故曰保和

山查甘而酸酸勝甘故能去肥甘之積神麴甘而腐腐勝焦故能化炮炙之膩薑子辛而苦苦下氣故能化麴物之滯陳皮辛而香香勝腐故能消陳腐之氣連翹辛而苦苦瀉火故能去積滯之熱半夏辛而燥燥勝濕故能消水穀之氣茯苓甘而淡淡能滲故能利濕傷之滯如此則脾胃之氣復其和矣

醫方考

胞與堂主人洪九有



枳朮丸

治痞消食強胃健脾

白朮 土炒一斤 枳實 去穰麩炒八兩

右爲細末荷葉煨陳米飯爲丸如椒目大白  
滾湯送下

東垣曰白朮苦甘溫其苦味除胃中之濕熱其  
甘溫補脾家之元氣多於枳實一倍枳實味苦  
溫泄心下痞悶消胃中所傷此藥下胃所傷不

能即去須一兩時許食乃消化先補虛而後化  
所傷則不峻厲矣荷葉狀如仰盂於卦爲震人  
感之生足少陽甲膽也飲食入胃營氣上行即  
甲膽之氣也荷葉空清而象風木此氣所感而  
胃氣有不上升者乎更以煨飯和藥與白朮協  
力滋養穀氣而補脾胃其利大矣若用厲藥下  
之傳變諸證不可勝數

顧生微論

胞與堂主人洪九有

醫譜

香砂枳朮丸

破滯氣消飲食開胃強脾

白朮

一土斤炒

枳實

八兩去穰麩炒

木香

一兩忌火

砂仁

一兩

右爲末荷葉煨陳米飯爲丸

如椒目大白滾湯送下三錢

枳朮丸止主飲食自傷如鬱則

氣阻不能下行。怒則氣鼓。因而  
逆上。必賴木香、砂仁、苦楝、下氣  
溫以和氣。所以佐枳朮二味之  
不及。平肺肝兩臟之有餘也。况  
芳香之氣。又脾所喜。經曰：塞者  
通之。此丸是已。  
願生微論

胞與堂主人洪九有

橘半枳木丸

健脾消痞利膈

白朮

一斤土炒

枳實

八兩穰炒去

橘皮

四兩

半夏

二兩薑汁製

右爲末荷葉包陳米飯煨乾爲末

打糊丸如椒目大白湯下三錢或二錢

此丸用白朮以補脾枳實以消痞燒



飯取其香以益胃。荷葉取其仰以象震象。震者欲其升。生甲膽之少陽也。此易老一時之方。來東垣末年之悟。孰謂立方之旨易聞哉。加橘皮半夏。利其膈也。如此則清者升。濁者降。塞者通。滯者利。而脾胃復其常矣。醫方考

胞與堂主人洪九有

越鞠丸

總治六鬱胸膈痞悶吞酸嘔吐飲食不化

香附炒

梔子薑汁炒黑

蒼朮米泔浸炒

神麴炒

川芎炒各等分

右爲末神麴打糊爲丸如椒目大空心白湯

送下二錢或三錢

血鬱

紅花湯下

濕鬱

白芷湯下

熱鬱

燈心湯下

食鬱

山楂湯下

疾鬱

生薑湯下

氣鬱

木香湯下

夫人之有鬱氣猶天地之閉塞成冬也不有以  
開之則發育之令息矣人身中豈可一日見此  
象乎丹溪以香附主氣山梔主熱蒼朮主濕與  
痰神麴主食川芎主血誠諸鬱之總司也經曰  
木鬱達之火鬱發之土鬱奪之金鬱泄之水鬱  
折之治各異法詎可執一途而取哉願生微論

胞與堂主人洪九有

卷之三

牛黃丸

治男婦諸風緩縱不隨語言蹇澁痰厥壅盛卒然暈倒  
口眼相引手足攣搐脊背強直口吐涎沫或心忪忡健  
忘顛狂癇病言語錯亂神不守舍或歌或哭或痴或呆  
如見神鬼或驚悸恐怖心神恍惚夢寐不安或積熱吐  
血骨蒸癆病及小兒五疳天吊急慢驚風潮熱發搐頭  
目仰視或痘疹鬱結不出發而為驚等證

|    |    |    |    |    |    |    |    |      |    |    |    |
|----|----|----|----|----|----|----|----|------|----|----|----|
| 柴胡 | 三錢 | 一兩 | 杏仁 | 一兩 | 二錢 | 五錢 | 五分 | 大豆黃卷 | 五兩 | 七錢 |    |
| 乾薑 | 一錢 | 七兩 | 肉桂 | 一兩 | 八錢 | 五錢 | 黃芩 | 一兩   | 防風 | 一兩 |    |
| 茯苓 | 六錢 | 一兩 | 甘草 | 五兩 | 一兩 | 山藥 | 七兩 | 神麴   | 五錢 | 桔梗 | 一兩 |
| 當歸 | 五錢 | 一兩 | 川芎 | 三錢 | 一兩 | 白芍 | 五錢 | 人參   | 五錢 | 白木 | 一兩 |

白蘞七錢五分 蒲黃炒二錢半 阿膠炒一兩七錢 犀角一兩 為末一兩 羚羊角一兩 為末一兩 牛黃一錢 麝香一兩 冰片一兩 雄黃八錢 大棗百枚 右除大棗杏仁犀角羚羊角及雄黃牛黃麝香冰片四味為末入餘藥和勻凍蜜與棗膏為丸每兩作十丸共用金箔四十片 為衣用蠟包封收貯每用一丸或半丸白湯化下或薑湯薄荷湯俱可嬰兒一丸分作四服斯丸乃祛風化痰理氣調血之藥富有是證而用之其功效如影響也若脾肺氣虛而痰涎壅盛肝脾血虛而驚癇抽搐必當以固本為主不可泛用恐虛其虛而益其患也治者慎之

胞與堂主人洪九有



九製稀苓丸

治諸般風證骨節疼痛緩弱無力

稀苓草

不拘多少

此草處處有之其葉似蒼耳對節

而生用五月五日七月七日九月九日採來曬乾鋪

入甑中用好酒層層勻灑蒸之復曬如此九次爲度

右爲末煉蜜丸如梧桐子大每服三錢空心無灰酒下

骨節疼痛壅疾也壅者喜通此物味辛苦而氣寒用九蒸

九曬則苦寒之濁味皆去而氣輕清矣經云輕可以去實

蓋輕清無竅不入故能透骨驅風勁健筋骨若未之九蒸

九曬或蒸曬之數不滿于九濁味猶存陰體尚在則不能

透骨驅風而却病也此陰陽清濁之義惟明者求之

醫方  
義考

唐江陵節度使成訥進稀養丸方云臣有弟訢年三十一  
中風就枕五年百醫不瘥有道人鍾鍼者命服稀養丸必  
愈臣依法修合與訢服果如其言今特奏進奉宣付醫院  
詳錄 又知益州張詠進稀養丸表云金陵銀線素根紫  
菱對節而生蜀號火炊莖葉頗類蒼耳誰知至賤之中乃  
有殊常之効臣服至百服眼目清明至十服鬚髮烏黑筋  
力較健効驗多端有都押衙羅守一中風墮馬失音不語  
臣與十服其病立痊又和尚智嚴年七十忽患偏風口服  
喝斜時時吐涎臣與十服亦便得瘥今合百劑差職員史  
元奏進

醫方  
事考

胞與堂主人洪九有

愈風丹

治癰風手足麻木毛落眉脫遍身癩疥搔癢成瘡

白花蛇

烏梢蛇

土鱧蛇

頭尾全者各一條酒浸二三日去骨陰乾為末

苦參

四兩為末

皂角

五斤去皮弦以無灰酒浸一宿取出用水煮膏

右以三蛇并苦參末將皂角膏和為丸如梧桐子大每

服三錢以玉屏風散煎湯送下

輕者三錢得一即効不必全也

癰風者天地殺物之風燥金之氣也故令瘡而不膿燥而不濕燥金之體澁故一客於人則營衛之行滯令人不仁而麻木也毛落眉脫者燥風伐其營衛而表氣不固也遍身癩疥者上氣下血俱病也諸痛屬實諸癢屬虛癰風之



瘰癧固多有蟲而衛氣之虛不可誣也是證也主燥劑以疏風則反以助邪往往血枯而死故求古方潤劑以主之白朮烏梢土緩三蛇者血氣之屬也用血氣之屬以驅風豈不油然而潤乎然其性中有毒同氣相求直達癰風毒舍之處豈不居然而効乎皂角之性善於潔身則亦可以潔病苦參之性善於去熱則亦可以去風昔人吞以防風通聖散此乃汗下之劑也非營衛虛者所宜今以玉屏風散更之則黃耆可以排膿補表防風可以利氣疏邪白朮可以實脾而補肌如此治癰可謂深得癰之奧者矣

珠珀益元散

治男婦小兒六腑實熱。上焦煩渴。心胸悶亂。精神恍惚。口舌乾燥。便秘赤色。及中暑等證。

滑石

上白者  
研水飛

六兩

甘草

大粉草  
研極細

一兩

硃砂

透明者  
研水飛

二錢

琥珀

真正者  
研極細

三錢

右各製淨。稱準分兩。配合和勻。收貯。每服三

錢。涼水調服。或蜜水。或燈心湯俱佳。

益元散。滑石六兩。數甘草一兩。數者。乃守真先生取

易數。天一生水。地六成之。之義也。故名曰六一。

散又名曰天水散。按滑石性寒而淡寒則能清六腑淡則能利膀胱。甘草性平而甘平則能緩火勢。甘則能調中氣。硃砂之重可以鎮心。亦可以墜火。琥珀之明可以安神。亦可以利水。故並加之。經曰治溫以清涼而行之。故用涼水蜜水。燈心湯是散簡易而效捷。火證暑證用之神良。但於老弱陰虛之人宜少與也。此虛實之辨明者詳之。否則蹈虛虛之戒惡乎不慎。

胞與堂主人洪九有

礞石滾痰丸

治頭風目眩耳鳴口眼蠕動眉稜耳聾痛癢四肢避風  
腫硬噫氣吞酸心下嘈雜心氣冷痛惡寐奇怪手麻臂  
疼口糜舌爛喉閉或遠項結核胸腹間如二氣交鉏噎  
塞煩悶失志顛狂心下怔忡喘嗽嘔吐一切難名等證

大黃酒蒸

黃芩

各去朽者礞石色一兩金沉香五錢

右為末水跌丸如椒目大每服量人大小強弱用之

微論曰痰不自動也因氣而動氣不自升也因火而升積  
之既久依附腸胃迴薄曲折處以為棲泊之窠曰謂之老  
痰其變現之證種種怪異難以測識莫可名狀非尋常藥  
可能療也隱君見及此故用大黃為君以開下行之路黃

岑為臣以抑上僭之火礞石慄悍之性遊行腸胃踵其迴  
薄曲折之慶蕩而滌之幾於刮腸剖骨之神故以為佐奔  
馳於上中下三焦開飛門謁門之竅者沉香之力也故以  
為使必須服之得法則效如響應用水一口送過咽即便  
仰卧令藥在咽膈間徐徐而下半日不可飲水不可起身  
坐行言語直待藥氣除逐上焦痰滯然後動作大抵服羅  
喉間稠粘壅塞不利者乃痰氣泛上藥力相攻耳少頃藥  
力既勝自然寧貼吳氏曰是丸也乃攻擊之劑也必有實  
熱者始可用之若與虛寒之人則非宜矣又礞石絲焰硝  
煨煉必陳久為妙若新煨火毒未除則不宜服慎之慎之

胞與堂主人洪九有

三黃丸

治三焦積熱上攻眼目赤腫小便赤澀  
大便結燥五臟俱熱腸風痔漏等證

黃芩

黃連

黃柏

俱酒潤  
各等分

右爲末煉蜜丸如梧桐子大空心白湯  
下三錢錢或二忌煎炒椒姜辛辣等熱物  
少火之火無物不生壯火之火無物不耗  
經曰壯火食氣是也故少火宜升壯火宜

降今以三物降其三焦之壯火則氣得其  
生血得其養而三焦皆受益矣黃芩苦而  
枯故清熱於上黃連苦而實故瀉火於中  
黃柏苦而潤故瀉火於下雖然火有虛實  
是丸但可以治實火若虛者用之則火反  
盛謂降多亡陰也丹溪曰虛火宜補則虛  
實之辨若天淵矣明者幸求之證焉

醫方考

胞與堂主人洪九有

三

左金丸

治肝經火實左脇滿痛

川黃連

六兩炒

吳茱萸

一兩鹽湯泡

右爲末水跌丸如椒目大白湯下二錢  
吳氏曰肝木居於左肺金處於右左金者  
謂金令行於左而平肝木也黃連善瀉心  
火不使乘金則肺家清肅之令左行而肝



木有利矣。愚謂心者肝之子也。實則瀉其子。故以黃連爲君。然肝喜疎泄。必佐以茱萸之辛。使其條達宣通。無拂鬱之患。辛者金之味也。辛以暢氣。則治節收氣化之權。而將軍無謀慮之失矣。經曰。佐以所利。和以所宜。左金丸之謂乎。

願生微論

胞與堂主人洪九有

塞五神丸

治疫瘧 一歲之中長幼相似者足也

東方 青黛錢五 麝香分二

西方 白礬錢五 白芷錢二

南方 官桂錢五 硃砂錢一

北方 巴豆四十九粒去壳 黑豆三十粒

中央 硫黃錢五 雄黃錢一

上件各依方位以磁盤盛之於五月初一日虔誠安於本家侍奉神前至初五日午時共研為末用五家粽角為丸如梧桐子大陰乾收貯聽用凡遇患瘧之人於瘧發之日清晨綿包裹塞鼻中男左女右用之

夫名疫者天地不正之氣也。位勝復之氣也。禽蟲吐毒之氣也。大氣之來無人不受壯者逸者居者則不病怯者勞者出者遇之則無形之氣絲鼻而入藏於分肉之間與正氣分爭則成

瘡矣是丸也位按五方藥按五色氣按五氣味按五味月按五  
月日按五日綜按五家此醫流而兼陰陽家之識也故瘡邪入  
於肝則青黛之涼可以清肝瘡者之燥可以直達瘡邪入於肺  
則白芷之辛可以瀉肺礬石之腥可以清燥瘡邪干於心則丹  
砂之重可以鎮心官桂之焦可以益火瘡邪干於腎黑豆甘草  
可以益腎巴豆之腐可以瀉邪瘡邪干於脾則硫黃之溫可以  
建中雄黃之悍可以辟穢以疫氣無形繇鼻而入故亦就鼻而  
塞之塞其一竅露其一竅固師必缺之道也修剋之期必於五  
者病原於陰陽不正之氣故亦以陰陽之理勝之蓋曰五者中  
宮甲乙之數南面之政也諸氣之變雖有勝復亢制之殊要皆  
北面而臣守位秉命之道也故率以五數修剋焉

醫方考

胞與堂主人洪九有

題

木香櫛榔丸

治赤白痢疾裏急後重及腸胃積滯等證

木香

櫛榔

青皮

去穢炒

陳皮

去白

枳殼

去穢炒

牽牛

三稜

醋煮

莪朮

醋煮

當歸

酒洗

香附

大黃

酒浸

黃柏

炒

黃芩

酒炒

黃連

吳茱萸湯潤過炒各等分

右為末水跌丸如梧桐子大空心白湯送下

二錢小兒減半 忌生冷麪食大葷

內經曰濕淫所勝平以苦熱故用木香熱者寒之故用黃連黃芩黃柏抑者散之故用青陳香附強者瀉之故用大黃牽牛逸者行之故用檳榔枳殼留者攻之故用三稜莪朮燥者濡之故用當歸是凡惟實者堪與虛者非所宜也

醫方考

胞與堂主人洪九有

香連丸

治下痢赤白腹痛不快裏急後重等證

黃連

二十兩吳茱萸十兩木香四兩八錢同炒去茱萸用黃連

右爲末醋糊丸如梧桐子大每服三錢減小兒半

白痢泡淡薑湯送下 赤痢煎甘草湯送下

赤白甘草薑湯送下 噤口痢人參湯送下

忌麪食生冷大葷辛辣

時至於夏天道南行屬火而熱在人身則以應

之斯時也不能致謹多食生冷則腸胃之間寒

熱相搏怫鬱成積不能宣通發而爲痢火性急  
速故腹痛而後重裏急錢氏以黃連爲君者取  
其苦寒直折心家之火恐其大寒之性凝而不  
行故以茱萸之辛溫制之以木香爲佐者蓋以  
痢之爲病只是火火之有餘只是氣得以通利  
三焦之氣而火降矣且能監制黃連無喜攻增  
氣之變夫是二物皆主直行而折經曰有餘者  
折之此之謂也

順生微論

胞與堂主人洪九有

戊己丸

治脾胃熱瀉不止

黃連炒十兩 吳茱萸泡

白芍藥炒各二兩

右為末水跌丸如椒目大白

湯下三錢或二錢

方考云熱瀉者糞色黃褐肛門



欽澁也。苦從火化，火能生土，故用黃連、厚、腸、胃而益土。臊酸從木化，木能疎土，故茱萸、辛、臊能疎亢盛之肝。芍藥味酸，能瀉土中之木。戊為胃土，己為脾土，用是藥以調脾胃，故曰戊己丸。

胞與堂主人洪九有

四神丸

治脾腎俱虛子後作瀉不思食不化食

肉豆蔻

二兩生用

破故紙

四兩炒

五味子

三兩微炒

吳茱萸

五錢鹽湯泡過

右爲末紅棗四十九枚生薑四兩切片用水

煮棗熟去薑取棗肉和藥爲丸如梧桐子大

空心淡鹽湯送下

脾主水穀又主上升虛則不能消磨水穀而反

行下降腎主二便又主閉藏虛則不能禁固二  
便而反爲滲泄夫腎水受時於子弱土不能禁  
制故子後每瀉也肉豆蔻之澁溫可固滑而益  
脾吳茱萸之辛溫可散邪而補土五味子酸鹹  
可入腎而收斂破故紙辛溫可固本而益元土  
受溫補則燥能制水水受溫補則力能閉藏子  
後之瀉從可瘳矣

願生微論

胞與堂主人洪九有

棗礬丸

治穀疸身目俱黃及黃胖等證

綠礬

半斤火煨通紅

棗肉

二斤黃去皮核搗爛

平胃散

四兩為末


右用棗肉和綠礬末為丸平胃散

為衣如椒目大空心薑湯下三錢

水穀癥積於中抑遏肝腎之火久久

鬱熱故身目俱黃是丸也綠礬鹹寒  
能炙痰癖而勝濕熱棗肉甘溫能益  
脾胃而補中宮平胃散者蒼朮厚朴  
陳皮甘草也蒼朮厚朴所以平胃家  
敦阜之氣而除積飲陳皮甘草一以  
利氣一以和中乃調胃之意也

胞與堂主人洪九有



脾約丸

治腸胃燥熱大便秘結

麻仁

十兩入棗湯內泡浸一宿大黃四兩

杏仁

五兩半芍藥酒之粒粒皆完厚朴薑汁炒

右為末煉蜜丸如梧桐子大白湯送下三錢

成氏曰約者約結之約又約束也經曰飲入於

胃遊溢精氣上輸於脾脾氣散精上歸於肺通

調水道下輸膀胱水精四布五經並行今胃強

脾弱約束津液不得四布但輸膀胱小便數而

大便難故曰脾約麻仁甘平而潤杏仁甘溫而

潤經曰脾欲緩急食甘以緩之。本草曰潤可以  
去枯是以麻仁為君杏仁為臣枳實苦寒厚朴  
苦溫破結者必以苦故以為佐芍藥酸寒大黃  
苦寒酸苦湧泄為陰故以為使丹溪曰既云脾  
約血枯火燔金受邪而津竭必竊脾之母氣以  
自救金衰則土受木邪脾失轉輸肺失傳化理  
宜滋陰降火金行清化脾土健旺津液既潤何  
秘之有此九惟熱甚而稟實者相宜熱雖甚而  
虛者少服恐反致其燥涸之苦矣。順生微論

胞與堂主人洪九有

九龍丹

治腎水不足邪火搖動精濁遺失之證

枸杞子

酒蒸

金櫻子

焙

山查肉

炒

石蓮肉

炒

蓮花鹽

焙

熟地黃

按

芡實粉

炒

白茯苓

川當歸

等分

右為末煉蜜丸如梧桐子大每服三錢空心白滾

湯送下

精濁腎液之病也所以精濁者心為之也一動其心而天君搖搖則精濁走失矣所謂主不明則十二官



危也。其精濁與便濁不同。便濁是便濁渾濁。即膏淋  
證也。乃是胃中濕熱滲入膀胱。與腎經絕無相干。精  
濁則牽絲粘膩。雖不便溺。亦漸漬而出耳。治此者宜  
滋腎清心。健脾固脫。是丸也。枸杞熟地當歸味厚者  
也。可以滋陰。滋陰則足以制陽光。金櫻蓮鬚芡實味  
澁者也。可以固脫。固脫則無遺失。石蓮肉苦寒。可以  
清心。清心則淫火不熾。白茯苓甘平。可以益土。益土  
則制腎邪。而山查肉者。所以消陰分之障礙也。

喉閉丸

治纏喉風喉閉先胸膈氣緊焉然咽喉腫痛手足厥冷氣不能通頃刻不治

雄黃一錢

鬱金五分

巴豆七粒去壳皮

冰片少許

麝香少許

右為末醋糊丸如麻子大茶清下五分如口噤喉塞用竹管納藥入喉中須臾吐痰立解未吐再服咽喉呼吸主升降乃一身之緊關索繫患則無問其標本而當急治焉者也經曰足少陰所生病者口

渴舌乾咽腫上氣噤乾及痛素問曰邪客於足少陰  
之絡令人咽痛不可納食又曰足少陰之絡循喉嚨  
通舌本凡喉病皆少陰之證少陰之火達如奔馬逆  
衝于上到此咽喉緊鎖慶氣鬱結而不得舒故成乳  
蛾纏喉雙蛾單蛾等危證急治則生緩治則死是丸  
也雄黃能破結氣巴豆能下稠痰鬱金能散惡血冰  
麝能透關竅盡此四者閉其通矣丹溪翁生平不用  
厲藥然此丸者實不得已而用之其亦行權之妙乎

胞與堂主人伏九有

口糜散

治口瘡糜爛

薄荷葉六分川黃柏五分

青黛

飛水

四分白硼砂三分

朱砂

飛水

二分冰片另研一分

右為細末用小磁罐密封收

貯每取少許着於瘡上良

口瘡本於濕熱，濕熱不去，必至  
痺蝕。寒可以勝熱，苦可以堅膚。  
故用薄荷、黃柏、青黛、白礬、苦寒  
之品，乃朱砂者，令其解熱毒也。  
冰片者，令其散熱結也。濕熱既  
蠲，而口糜自愈矣。

胞與堂主人洪九有

明目地黄丸

即東垣益陰腎氣丸

治腎虛目暗不明

熟地黄

四兩

生地黄

乾山藥

山茱萸

當歸

五味子

牡丹皮

澤瀉

茯神

柴胡

各一兩

右為末煉蜜丸如梧桐子大空心淡鹽湯送

下三錢

忌蘿蔔

精生氣氣生神故腎精一虛則陽光獨治陽光

獨治則壯火食氣無以生神令人目暗不明。王  
冰曰壯水之主以制陽光故用生熟地黃山萸  
五味當歸丹皮澤瀉味厚之屬以滋陰養腎滋  
陰則火自降養腎則精自生乃山藥者所以益  
脾而培萬物之母茯苓神者所以養神而生明照  
之精柴胡者所以升陽而致神明之氣於睛明  
之窠也孫思邈曰中年之後有目疾者宜補不  
宜瀉可謂開斯世之矇矣東垣此丸其近之。

胞與堂主人洪九有

黃連羊肝丸

治目紅腫羞明。眵淚眊眊。腦巔沉重。睛珠疼痛。眼睫無力。常欲垂閉。不敢久視。久視則酸疼。及生翳。淫熱等證。

黃連

白羯羊肝 一具

先以黃連研爲細末。將羊肝以竹刀刮下如糊。除去筋膜。入搗盆中研細。入黃連末爲丸。如梧桐子大。每服三十錢。茶清



白湯任下。

忌猪肉及生冷

斯丸以黃連除熱毒明目為君以羊肝肝  
與肝合引入肝經為使不用鐵器者金尅  
木肝乃木也一有金氣肝則畏而不受蓋  
專治肝經之藥非與群隊者比也肝受邪  
者並皆治之。原機微

胞與堂主人洪九有

醫譜

千金磁珠丸

治神水寬大漸散昏如霧露中行漸覩空中有黑花漸覩物成二體久則光不收及內障神水淡綠色淡白色

磁石 吸針者 辰砂 透明者 神麴 真正者

先以磁石置巨火中煨醋淬十餘次晒乾另研極細二兩辰砂另研極細一兩生神麴末三兩與前藥和勻更以神麴末一兩水和作餅煮浮為度揆入前藥煉蜜為

丸如梧桐子大空心白湯下一錢一云食後每服五分

以磁石辛鹹寒鎮墜腎經為君令神水不外移也辰砂微

甘寒鎮墜心經為臣肝其母此子能令母實也肝實則目

明神麴辛溫甘化脾胃中宿食為佐生用者發其生氣熱

用者欲其暴氣也。服藥後俯視不見。仰視漸覩星月者。此其効也。亦治心火乘金水。衰反制之病。久病累發者。服之則永不更作。空心服此。午前更以石斛夜光丸主之。原機磁石法。水入腎。硃砂法。火入心。而神變專入脾胃。乃道家黃婆媒合嬰兒姪女之理。加沉香。升降水火。尤佳。錢證治準磁硃丸。主明目。百歲可讀細字。常服大益眼目。龍木論古人於腎虛及種子方中。每用磁石。近代泥於金石之說。多不知用。然磁石性能引鐵。則用之者。亦是假其引肺金之氣入腎。使其子母相生。爾水得金而清。則相火不攻自去矣。嗚呼。醫之神妙。在於幽微。此言可與知者道也。考醫方

胞與堂主人洪九有

石斛夜光丸

治內障初起視覺微昏。空中有黑花。神水變淡綠色。次則視物成二。神水變淡白色。久則不覩。神水變純白色。及有眵淚眊眊等證。

天門冬

去心

人參

茯苓

各二兩

麥門冬

去心

熟地黃

生地黃

各一兩

兔絲子

酒浸

甘菊花

去蒂

草決明

炒

杏仁

去皮尖

乾山藥

枸杞子

牛膝

酒浸各七錢半

五味子

白蒺藜

炒去刺

石斛

熬膏

肉蓯蓉

川芎

甘草

炙

枳殼

麸炒

青箱子

防風

黃連

烏犀角

鎔

羚羊角

鎔各五錢

右爲末煉蜜丸如梧桐子大每服三錢溫酒淡鹽湯或  
白滾湯任下

此丸養補藥也補上治下利以緩利以久不利以速也故  
君以天門冬人參兔絲子之通腎安神強陰填精也臣以  
五味子麥門冬杏仁茯苓枸杞子牛膝生熟地黃之欬氣  
除濕涼血補血也佐以甘菊花蒺藜石斛肉蓯蓉川芎甘  
草枳殼山藥青菊子之治風療虛益氣祛毒也使以防風  
黃連草決明烏犀角羚羊角之散滯泄熱解結明目也除  
弱不能配陽之病亦最宜服此從則順之治法也然必無  
千金磁硃丸服之庶易功

原机啟微

抱與堂主人洪六有

千金補腎丸

治一切耳聾證

人參 黃耆 當歸 山茱萸 肉桂 牡丹皮

白芍藥 桂心 遠志 巴戟天 克絲子 酒

細辛 肉蓯蓉 附子 熟地黃 蛇床子 焙

白茯苓 甘草 乾薑 澤瀉 石斛 各二

石菖蒲 防風 羊腎 極重 極頻

右為末煉蜜丸如梧桐子大空心溫酒送下三錢

耳以司聽匪聽勿聰也君子有思聰之責者胡然而使衰

如乎故取千金腎氣丸以開斯世之聾蹟按千金云勞聾

氣聾風聾虛聾毒聾六聾耳鳴者此方主之勞聾者勞火

鼓其聽戶也。氣聾者，經氣滯塞於聽戶也。風聾者，風熱閉其聽戶也。虛聾者，氣血虛耗而神不用也。毒聾者，膿血障礙於聽戶也。久聾者，病非一日邪氣痺聚也。凡是聾者，勢必耳鳴。故總繫其耳鳴也。味之甘者，可以補虛，亦可以卻勞。人參、黃耆、羊腎、山萸、地黃、鬼絲、巴戟、菟絲、澤瀉、芍藥、當歸、茯苓、甘草，均之味甘之品也。能療虛聾勞聾味之辛者，可以驅風，亦可以順氣。細辛、藹蒲、遠志、丹皮、石斛，均之味辛之品也。能療氣聾風聾性之毒者，可以開結。毒亦可。以療久痺蛇床、桂心、附子、乾薑，均之辛溫微毒之品也。能療毒聾久聾如是聽戶開而耳復其聰矣。

胞與堂主人洪九有

卷之三

青娥丸

治腎虛腰痛

破故紙酒浸少炒

川芎童便浸

杜仲薑汁炒

牛膝去蘆

黃柏鹽水炒

知母酒拌炒

胡桃肉去皮炮

右為末蜜丸如梧桐子大空心塩酒下三錢

腎坎象也水火並焉水裏則陽光獨治而令腎



熱火衰則陰翳襲之而令腎寒水火俱衰則土  
氣乘之而邪實於腎均之令人腰痛也是丸也  
故紙杜仲胡桃味厚而溫黃柏知母牛膝味厚  
而寒溫者可使養陽寒者可使養陰均之味厚  
則均之能走下部矣若萆薢者苦燥之品足以  
利水土之邪而平其氣也曰青娥者涵陽之坎  
也假之以名斯丸明其全夫水火之真爾醫方考

胞興堂主人洪九有

化蟲丸

治一切蟲病大者即下小者盡化為水

鶴虱

去土

胡粉炒

苦練根

東引不出土者

檳榔

各一兩

使君子

蕪荑

各五錢

枯礬

二錢五分

右為末米糊丸如椒目大量人強弱用之

為國者必欲去夫蠹國之小人為醫者必欲去夫蠹身之蟲蝕此化蟲丸所繇製也經曰腸胃為市故無物不包無物不容而所以化生諸蟲者猶腐草為螢之意乃濕熱之所生也是蟲以

濕熱為巢穴鶴虱等七味皆有殺蟲之能且去  
濕熱能直搗其巢穴矣古人率單用之今乃類  
聚為丸其亦保安之策也蟲類多種治各不同  
此方無所不宜蟲劑之總司也但服之得法無  
不神驗須初一至初十蟲頭向上宜先餓半日  
而使蟲饑次早五更用油煎肉一片嚼之蟲聞  
肉香頭皆向上隨以藥服之須臾或葱湯或白  
湯助藥力下行則蟲盡下矣

胞與堂主人洪九有

痔漏丸

治一切內外痔漏及諸般頑漏

魚鱉

四兩極明淨者

黃蠟

四兩

明礬

二兩研末

朱砂

一兩研末

珍珠

五錢研末

象牙

五錢研末

先將魚鱉酒煮極爛杵如膏入蠟化盡離火入礬并砂珠牙末和勻丸如梧桐子大每服三十丸空心酒送下

察痔漏者癆醫之事也。君子鄙談之。然擇疾而療。非仁人之用心也。故訂痔漏丸。以拯夫世之苦痔漏者。按痔之為病。緣於七情內傷。五賊外乘。饑飽不節。勞

役異常兼之酒色厚味所致也。生於肛門之外者名  
外痔。生於肛門之內者名內痔。初起即當醫治。庶免  
後患。人反以小恙不足懼。延捱日久。變為痔漏。始乃  
愴忙求治。或治又不如法。往往糞從孔出。血數竅流  
釀成莫救之禍。惜哉。我守每自繫兩心。憐憫因遍  
訪名流。得傳是方。製以療人。輒皆奇効。是丸貴顯明  
礬為解毒生肌之聖藥。加以砂珠牙末。其功更倍之  
矣。用魚鱗為君者。取其味厚滋補。而有膠固不漏之  
義焉。且無刀針掛線爛藥之險。重軀命者。亟宜服之。  
胞與堂主人洪九有

滋陰潤腸丸

治大腸秘結血少腸枯久不大便

熟地黃 當歸 熟大黃

生甘草 麻仁 生地黃

桃仁去尖去皮 紅花各一兩 升麻三錢

右爲末煉蜜爲丸如梧桐子大每服三

錢白滾湯送下 虛弱者每服減一錢

秘結燥證也有火燥有風燥有水竭之燥

有血虛之燥從容養血清燥爲上手急遽  
攻下通腸爲下手然大腸得血則潤亡血  
則燥故用熟地當歸以養血初燥動血久  
燥血瘀故用桃仁紅花以去瘀麻仁所以  
潤腸大黃所以通燥血熱則涼以生地黃  
氣熱則涼以生甘草微入升麻消其風熱  
爾經曰燥者濡之此之謂也

醫方考

胞真堂主人洪九有

卷之九

硃珀蠟礬丸

治癰疽發背惡瘡惡漏

黃蠟

二兩

明礬

三兩

硃砂

三錢要  
透明者

琥珀

三錢要  
真正者

先將蠟熔化離火少溫入極

細礬末及硃珀末和勻丸如

梧子大食前溫酒下三十丸



此丸不惟定痛生肌而且消毒  
化膿及內癰排膿托裏之功甚  
大并一切惡瘡頑漏服之其毒  
即解薛立齋先生云此爲外科  
之聖藥也服至四五兩之上愈  
見其功矣薛氏醫案

胞與堂主人洪九有

小牛黃丸

治楊梅結毒惡瘡惡漏皆可治之大有神効

牛黃 一錢

珍珠 一錢

琥珀 八分真正者要

朱砂 一錢要透明者

雄黃 一錢要透明者

滴乳石 一錢真正者要

乳香 一錢去油

沒藥 一錢去油

母丁香 一錢

沉香 一錢

麝香 三分

當歸尾 二錢五分

白芷 二錢稍五分

人參 一錢

各製為細末老米飯為丸如粟米大每服一

分空心并晚各一服以淡淡土茯苓湯送下  
此丸以牛黃朱砂雄黃解其毒以珍珠琥珀滴  
乳生其肌以乳香沒藥解毒生肌兼之止痛以  
麝香沉香丁香通竅更引諸藥入於毒所血凝  
氣滯始結成毒故以當歸尾消其血之凝白芷  
稍散其氣之滯又以人參扶其正氣所謂正人  
進而邪人退矣如此為治厥疾寧有勿瘳者哉

胞與堂主人洪九有

衛生寶

一名玉振丹

一名紫金錠

一名萬病解毒丹

一名神仙太乙紫金丹

解諸毒藥諸毒利開氣治百病內可以服外可以敷隨證調引起死回生真為衛生至寶

山洪欲 俗名金銀藥似雄黃以燈籠之向上有黑點結子三條二月間花三月結子四月抽苗結

川文給 一名五倍子打眼二草大戟五代此方皆大戟而向大戟利及無傷人金銀人慎之慎之

千金子 一名諸子去其皮色極白者用之更真麝香三錢

一方 加金箔半黃 珍珠 琥珀 珠砂 檀香 乳香 沒藥錢三枚嘉之曰八寶玉振丹

右製法宜端午七夕重陽或天月德吉道上吉日修合預期數日前將戒沐浴於靜室焚香將前味各

為細末用新器盛然蓋至期風興陳設藥品拜請 天地畢配合分兩攪和數百次杵勻仍重羅一二

遍方用糯米濃飲調和於木臼內杵數千下極細潤為度每錠一錢每服一錠病勢重者連服通利一

二行無妨用溫粥補住要在虔心至誠極其齋潔如法修製毋令喪服體氣婦人親大見之

治一切飲食毒瘡毒瘰癧氣惡菌疔瘡牛馬蛇蟲等諸毒並用涼水磨服南方瘴毒瘡傷人

緣覺愈患不快即磨服一錠或吐或利隨手便愈 諸瘰癧腫脹大麥芽湯下○癰疽發背對口瘡天蛇

頭無名疔腫等諸惡瘡諸風癰瘡赤腫未破時及痔瘡並用無灰酒磨服再用涼水調塗瘡上日夜各

數次覺瘡全消已潰出膿血者亦或分數○除陽二毒傷寒心悶狂言氣喘胸膈壅滯如毒未發證宜

下者及瘟疫喉閉發熱風涼水薄茶小葉磨服。傳屍瘡瘰用煙香湯磨服昔有兄弟五人已死者三  
 遇一異人令服此藥遂各進一錠一下惡物如膿狀一下死毒如蟻形倏俱復生。心氣痛並諸氣用  
 淡酒或淡薑湯磨服。久近瘧疾臨臥時東流水煎桃柳枝湯磨服。赤白痢疾泄瀉肚腹急痛霍亂  
 絞腸痧等症及諸痰證並用薄荷湯磨服。男婦急中顛狂喝叫亂走鬼交鬼胎鬼氣狂亂失心羊兒  
 猪獃等風中風中氣口眼歪斜牙關緊急語言不識筋脈攣攣手足腰膝週身疼痛行步艱  
 辛及諸癰證並用暖酒磨服。白熱的水已死。頭破者驚死或鬼迷死未隔宿者俱冷水磨灌下。  
 年深日近頭痛太陽痛者用酒入薄荷葉研爛敷貼太陽穴上。牙痛酒磨塗及含少許良久吞下。  
 小兒急慢驚風五疳五痢脾病黃腫應癰瘡癰牙關緊急並用家水薄荷小葉磨下及條。量兒大  
 小一錠作二三服。婦人女子經水不通紅花煎湯下。孕婦及脾泄勿服。打撲傷損炒松蘿酒  
 磨服。湯火傷東流水磨塗。惡毒風火所傷冷水磨塗淡酒磨服。牛馬六畜中毒亦以此救之。  
 按斯丹品水皆解毒却病衛生之聖藥也名之曰玉白金靈其性珍貴凡諸神聖狂行即行兵士商外  
 出貧富家后及進德如山溪潤滑川廣雲貴等處者俱宜携之以自衛兼可轉贈以衛人製以倭急陰功  
 豈淺鮮哉方內山欽批千金子皆有子可種有志於濟世衛生者當留意焉

八珍益母丸

治胎前產後諸虛百損月事不調子宮虛寒久不  
受孕此藥行氣養血調經種子婦人百病俱宜服

當歸 酒洗 川芎 微炒 白芍藥 炒 懷熟地

人參 白朮 土炒 白茯苓 炙甘草

香附 分四分 鹽醋酒 阿膠 切碎蛤粉炒珠 益母膏

右十味分兩隨證加減各製為末入益母膏加煉

蜜為丸如梧桐子大空心白滾湯送下三錢

易曰坤道成女又曰至哉坤元萬物資生然則女道

貴生育也欲其生育必使陰陽和氣血調乃能有濟  
何也蓋氣為衛屬陽血為營屬陰此人身之兩儀生  
化之原也純用四物則獨陰不長純用四君子則孤  
陽不生二方合用則氣血有調和之益而陰陽無偏  
勝之虞矣香附引氣生血解鬱散結阿膠調經理血  
治帶止崩益母膏者活血行氣有補陰之功凡胎前  
產後有所恃者氣血也胎前無滯產後無虛是其行  
中有補矣命名益母者所以利有子也

胞與堂主人決九有

調經種子丸

治婦人月事不調久不受胎

當歸

酒洗

川芎

微炒

白芍

炒

熟地黃

四兩

白朮

土炒

白茯苓

三兩

人參

一兩

甘草

蜜炙

製香附

三兩

阿膠

三兩

右為末煉蜜丸如梧桐子大空心白湯下三錢

無極之真二五之精妙合而凝乾道成男坤道成女女以

坤道用故治婦人者以陰為正方其二七而天癸至月事

以時下者女子得坤之陰陰中必有陽故以七為紀一七

而齒更二七而天癸至也人受天地之氣以生故能克肖

天地月天之陰也以月而盈以月而虧故女子之血亦以

三十日而一下也血氣下也同於月故名之曰月事經曰



月事以時下故能有子是以月事不調者宜服此丸使月  
事調勻則陰陽和而萬物生有子之道也是丸也當歸芍  
藥地黃香味厚之品也味厚為陰中之陰故能益血析而  
論之當歸辛溫能活血芍藥酸寒能斂血熟地甘濡能補  
血又曰當歸入心脾為藥入肝熟地入腎乃川芎者微上  
微下而行血之氣者也此四物所以為婦人之要藥而調  
月者必以之為程規又用人參白朮茯苓甘草以養陽也  
所以必兼養氣者太極之妙陰生於陽故也至於香附開  
其鬱結阿膠益其陰血而調經種子之術可謂盡美而盡  
善也

胞與堂主人洪九有

保胎丸

治婦人懷孕氣血虛弱不能容養面黃嘔吐精神  
倦怠四肢無力或寒熱往來頭暈眼花胸膈不寬  
不思飲食恐動其胎最宜服之萬無一失

人參

五錢

白朮

土炒

白茯苓

各一兩

甘草

五錢

當歸身

酒洗一兩

川芎

微炒一錢

白芍藥

炒一兩

懷地黃

二兩酒煮或膏

艾葉

一兩蒸焙

香附

四製

陳皮

各一兩

砂仁

五錢

條黃芩

酒炒

炒阿膠

各一兩

益母膏

四兩

紅棗肉 四兩

川蜜 八兩

右為末紅棗肉益母膏煉蜜為丸如梧桐子大空心白滾湯送下三錢

氣血虛則胎不安氣血熱則胎不安氣血滯則胎不安不安則難乎保矣是丸以四君四物補其氣血之虛條芩阿膠清其氣血之熱艾附砂陳行其氣血之滯紅棗肉益母膏虛則補其母益母膏益母所以利其子也保胎之道畢矣

胞與堂主人洪九有

達生散

治產難如神臨月服之令人易生

人參 五錢 白朮 土炒 甘草 炙

當歸 白芍藥 紫蘇

陳皮 各一兩 大腹皮 三兩 黑豆汁 洗淨晒乾用

右散每服一兩水煎服

生不必催也催之則宋人之樞苗耳非徒

無益而又害之也然產難之故多是氣血

虛弱營衛澀滯使然。凡臨月之際預服達生散爲良。蓋是散用參朮甘草益其氣。用當歸芍藥益其血。用蘇陳腹皮流其滯氣。血不虛不滯則其產也猶之達矣。奚用催乎。詩云誕彌厥月先生如達。朱子曰先生首生也。達小羊也。羊子易生而無留難。故昔醫以達生名其散也。

胞與堂主人洪九有

崩漏丸

治婦人經血崩漏

羌活

藁本

防風

各二兩

肉桂

夏勿用  
秋冬用

白朮

土炒

當歸

黃耆

炙

柴胡

各三兩

人參

熟地黃

川芎

各一兩

細辛

六錢

白芍藥

炒

紅花

各五錢

獨活

甘草

炙

附子

炮去皮  
各一兩半

桃仁

去皮尖  
一百枚

右為末酒糊為丸如梧桐子大空心溫酒送下三

錢或淡醋湯亦可

氣血人身之陰陽主升陰主降陽根乎陰陰根

乎陽一動一靜互為其根則一升一降循經而行無  
崩漏也若陽有餘則升者勝血從上竅而出陽不足  
則降者勝血從下竅而出是丸也附子肉桂人參黃  
耆白朮甘草壯陽益氣之品也羌活獨活柴胡藁本  
防風細辛川芎升陽舉經之品也當歸芍藥地黃紅  
花桃仁滋陰入血之品也壯陽則氣不虛舉經則血  
不陷滋陰則血不燥夫如是則血為氣之守氣為血  
之衛血營於中氣衛於外升降上下一循其經矣胡  
然而崩也 賢方考

胞與堂主人洪九有

帶下丸

治婦人赤白帶下此丸神良

馬毛

二兩椒和伏火一宿白馬毛治赤帶

龜甲

四兩醋炙鱉甲二兩牡蠣二兩醋炙

右爲末醋水跌丸如梧桐子大每服三錢溫

酒送下日三一方爲散每服方寸匕丸佳

氣陷於下焦則白帶血陷於下焦則赤帶以滋

藥止之則未盡之帶留而不出以利藥下之則



既損之中又傷其下皆非治也馬得乾之剛毛  
得血之餘血餘可以固血乾剛可以利氣固血  
則赤止利氣則白愈此用馬毛之意也龜鼈牡  
蠣外剛而內柔離之象也去其柔而用其剛故  
可以化癥可以固氣化癥則赤白之成帶者無  
復中留固氣則營衛之行不復陷下營不陷則  
無赤衛不陷則無白矣

胞與堂主人洪九有

小兒至寶丹

治小兒驚癇吐瀉及一切諸疾皆良

七氣湯 五兩 妙香散 五兩 六一散 四兩 膽南星 一兩

右爲一處煉蜜爲丸如龍眼核大硃砂爲衣每用量兒  
大小加減丸數隨證用引研服

感寒夾驚發熱蔥薑湯下 傷食嘔吐泄瀉薑湯下

赤白痢陳米湯下 大便秘結火麻仁湯下

小便赤澀車前子湯下 發熱薄荷湯下

煩渴燈心湯下 霍亂紫蘇湯下

喘咳麻黃杏仁湯下 積聚腹痛薑湯下

急驚搐搦薄荷湯下 慢驚人參白朮湯下

癖積身瘦肚大手足細大便泄瀉小便如淋尿未湯下  
諸病後無精神少氣力不思飲食薑棗湯下

此丹乃先賢取三方配合而成以拯萬世之嬰兒真微妙  
秘訣也七氣湯者義木一盞智錢五陳皮兩一三稜錢五桔梗錢五  
甘草錢三枳實錢二茯苓兩二黃芩錢五青皮兩一藿香錢五消補魚行  
之劑也妙香散者木香錢六遠志兩二麝香分五硃砂錢二山藥兩一  
粉草兩一白朮兩一人參錢一安神正氣之法也六一散者滑石  
六兩研末甘草甘草兩一天一生水地六成之之義也加膽南  
星者治風痰爾如此妙合成丹隨證調引諸病如遺寶嬰  
之術至矣故曰至寶丹

胞與堂主人洪九有

抱龍丸

治小兒驚風潮搐四時瘟疫身熱昏睡痰涎壅盛  
風熱喘嗽煩燥不寧并痘疹欲出先發驚搐及蠱  
毒中暑等證並宜投服

天竺黃

研一兩

膽南星

研一兩

人參

去鬚蘆  
研細末

辰砂

研極細  
水飛淨

雄黃

研透  
極明者

珍珠

研極細  
豆腐煮

琥珀

者真正  
研細好

沉香

為不見  
細末火

檀香

為不見  
細末火

木香

為不見  
細末火

真麝香

三研各  
錢

金箔

葉二十  
四為衣

右末煎甘草膏為丸如芡實大外用蠟皮封之每  
服一丸白滾湯  
嬰兒半丸

抱者保也龍者肝

東方青龍木木生火謂生

我者父母也肝為母心為子母安則子安況心藏神  
肝藏魂神魂既定驚從何生此抱龍丸命名之義也  
經曰明可以安神故用琥珀珍珠重可以去怯故用  
辰砂金箔氣竄可以利竅故用雄黃沉檀木麝甘溫  
可以回元故用人參辛燥可使開痰故用南星寒涼  
可使清熱故用竺黃是丸化痰祛邪清熱之功居多  
屬肝心實熱而致者服之殊効若脾肺虛熱而見昏  
瞋痰嗽者當用調補元氣之藥為良也

胞與堂主人洪九有

肥兒丸

治小兒疳積神良

黃連

製

蘆薈

青皮

麩炒

陳皮

神麩

炒

麥芽

炒

三稜

炒

莪朮

煨

肉果

檳榔

白豆蔻

史君子

沉香

錢各五

木香

蝦蟆

錢各一

右為末神麩糊丸如麻子大每二三十丸米飲下

啟微論曰衛氣少而寒者乘之也元氣微而飲食傷

之也外乘內傷積而成之也父母以其純陽耶故深

冬不為裳父母以其惡風耶故盛衣不解衣父母以

其數饑耶故飼後庶食之。母以其或渴耶故乳後更飲之。有愚慙而為父母者。又不審其寒暑飲食也。故寒而不為煖。暑而不生涼。飲而不至渴。食而不及饑。而小兒幽玄御默抱疰而不能自言。故外乘內傷。因循積漸。釀而成疳也。溫而易饑。能食而癯。腹脹下利。作驚。驚聲已上之證。治勿後。後則危也。今以肥兒丸主之。發熱作渴。面黃肌瘦。倦怠短氣。髮豎作瀉。豈不為稿乎。是丸皆去積健脾之品。服之當盎然渙然潤澤而肥腴矣。

抱與堂主人洪九有

龜鹿二仙膏

治虛損精極者。夢泄遺精。瘦削少氣。目視不明。等證。久服大補精髓。益氣養神。

鹿角二斤

龜板一斤

枸杞子

六兩

人參

三兩

右將鹿角截碎。龜板打碎。長流水浸三日。刮去垢。用砂鍋河水慢火魚眼湯。桑柴煮三晝夜。不可斷火。當添熱水。不可添冷水。三日取出。晒乾。碾為末。另用河水將末并枸杞人參。又煮一晝夜。濾去渣。再慢火熬成膏。初服一錢五分。漸加至二錢。空心無灰酒化下。精氣神人身之三寶也。經曰。精生氣。氣生神。是以精極則



無以生氣以致瘦少氣氣少則無以生神以致目昏不  
明鹿得天地之陽氣足全善通督脉足於精者故能多淫  
而壽龜得天地之陰氣最厚善通任脉足於氣者故能伏  
息而壽其角與板又其身聚精氣神之最勝者取而為膏  
以補之所謂補以類也且二物氣血之屬又得造化之玄  
微異類有情竹破竹補之法也人參為陽補氣中之怯枸  
杞為陰清神中之火是膏也一陰一陽無偏攻之憂入氣  
入血有和平之美繇是精日生而氣日旺氣日旺而神日  
昌庶幾享龜鹿之年矣故曰二仙

胞與堂主人洪九有

瓊玉膏

治乾咳神良

生地

一斤

白茯苓

極細末

人參

研一極細末

白蜜

八兩

右以地黃將河水熬汁去渣入白蜜再熬稠  
方下參苓末和勻入磁瓶用綿紙十數層加  
箬封紮瓶口入砂鍋內以長流水淹沒瓶頸  
用桑柴火煮三晝夜取出換油紙紮口以蠟  
封固懸井中一日取起仍煮半日白湯點服  
乾咳者有聲無之名也火乘於肺喉嚨淫淫

而癆故令有聲。原於肝者有痰病不繇於脾故無痰也。易曰燥暵物者莫燁乎火。相火一熯則五液皆涸。此乾咳之繇也。故丹溪以地黃為君。令水盛而火自息也。損其肺者益其氣。故用人參以鼓生發之元。虛則補其母。故用茯苓以培萬物之本。白蜜為百花之精。味甘歸脾。性潤悅肺。且緩燥急之火。四者皆溫良和厚之品。誠堪寶重。郭機曰：起吾沉痾。珍賽瓊瑤。故有瓊玉之名。示人知所珍也。

胞與堂主人洪九有

十珍膏

主滋陰降火養血清肝

懷生地

酒一斤洗

當歸身

酒三兩洗

白芍藥

炒

知母

鹽酒炒

牡丹皮

鹽酒炒

地骨皮

炒

天門冬

去心

麥門冬

去心

人參

去蘆

生甘草

錢各五

右十味用水二斗煎一斗去渣熬煉成膏隨

意服

夫陰虛者未有一大動脈者直世之藥惟病端

初起元氣未虛勢方蘊隆脉鼓而者暫取治  
標稍久涉虛便不可服王上僕曰治熱未已而  
中寒更起且足太陰傷而紀肺金孕育之原矣  
斯以地黃為君知母為佐壯天一之水以劑而  
丁不與之直爭也當歸芍藥以沃厥陰腎肝同  
治之法也水衰則火旺是以二皮為鈐制火盛  
則金衰是以二冬為屏障人參補金位之母甘  
草生用所以奉令承使奔走贊成者也

胞與堂主人洪九有

二冬膏

清心潤肺降火消痰

天門冬

去心  
一斤

麥門冬

去心  
一斤

右二冬入砂鍋水煎取汁再將渣水煎以無  
味為度入蜜熬成膏空心白湯下二三匙

人之一身陰常不足陽常有餘况保養者少作  
喪者多真陰既虧邪火必旺火旺則陰愈消而  
虛損痰咳煩渴熱燥等證作矣故日常滋其陰

使陰與陽齊則人能制火而火升入降斯無病  
矣是膏用天冬清金降火益水之源故能下通  
腎氣以滋陰且仙書極贊其禦寒辟穀御女延  
齡其於養生誠為珍品蓋腎主津液燥則凝而  
為痰得潤劑則肺不燥而痰自化亦治本之法  
也更以麥冬氣薄主升味厚為陰有清心潤肺  
之功堪與天冬相並而施膏澤以濡其枯槁焉

胞與堂主人洪九有

杞圓膏

此膏安神養血滋陰仁陽益智慧強筋骨澤  
肌膚駐顏色

枸杞子 去蒂五斤


圓眼肉 五斤

右二味為一處用新汲長流水五十斤以砂  
鍋桑柴火慢慢熬之漸漸加水煮至杞圓無  
味方去渣不用再慢火熬成膏取起磁罐收  
貯不拘時頻服二三匙



心主血脾統血肝藏血思慮動勞則血受傷因  
而不足血不足則虛火熾而煎燖腎水日見衰  
竭矣茲取圓眼肉甘溫濡潤之品甘溫可以補  
脾濡潤可以養心枸杞子味厚氣平之品味厚  
可以滋陰氣平可以益陽血不足而益陽此太  
極之妙陰生於陽也陰陽和水火濟心腎時交  
則陰血自生而常足矣

胞與堂主人洪九有



參朮膏

治虛弱之人脾胃虧損或脹或瀉

白朮

土炒八兩

人參

去蘆

薏苡仁

炒各四兩

蓮肉

去心皮

黃耆

蜜炙各三兩

白茯苓

去皮二兩

神麴

炒一兩

澤瀉

炒

甘草

炙三錢

右用水二斗煎一斗去渣再熬七膏白湯下日三

經曰清氣在下則生飧泄濁氣在上則生脹此皆

土虛并金亦薄遂失其升降之常下泄曰脾欲緩急

食甘以緩之苦以泄之白朮 五九 為君東垣曰  
脾胃虛則氣不足人參甘溫補氣是以為臣氣不足  
者肉分不充故佐以黃耆土虛則不能生金故佐以  
苡仁虛則補其母故佐以蓮肉土惡濕虛則不寡於  
畏故佐以茯苓澤瀉土虛不能散精輸肺故佐以神  
麴通五方之氣於太陰和諸藥之性而無忤者甘草  
為使之力也

胞與堂主人洪九有

山薊膏

山薊 白朮 七

補胃健脾和中進食

白朮

十斤

白蜜 二斤

右將白朮先煮粥湯待冷浸一宿用陳壁土拌蒸透再以米粉又拌蒸刮去皮淨切片曬乾聽用將水百碗桑柴火煎取三十碗加白蜜熬成膏每服一酒盃淡薑湯點服。

太陰主生化之元其性  
氣喜溫白木備此三者  
以白蜜和其燥也且甘  
氏頌云綠葉抽條紫花  
腑內充木榮火謝盡採  
窮淋瀝之劑味重金漿  
故而得此隆譽哉芳踰  
玉液夫豈無

胞與堂主人洪九有

玄及膏 玄及五味子也

治火嗽夢遺精滑更能強陰壯陽

北五味子

一斤水浸一宿去核

白蜜

三斤

右五味子入砂鍋加河水煎之取

汁又將渣再煎以無味為度入蜜

微火熬成膏空心湯下二三匙

北方之令主閉藏神

則不能

收固五味子味酸  
固耗散之精有金水  
味正入厥陰厥陰偏喜  
救趙之法也一物單行功專力銳更  
無監制故為効神速元和紀用經之  
玄及散厥有旨哉

胞與堂主人洪九有

養生主 一名歸圓杞菊酒

此酒補心腎和氣血益精髓壯筋骨安五臟  
旺精神潤肌膚駐顏色

當歸身

酒洗一兩

圓眼肉

八兩

枸杞子

四兩

井菊花

去蒂一兩

白酒漿

七斤

好燒酒

三斤

右四味用一絹袋盛之懸於空中再入一酒

封固窖月餘不拘時隨意飲之甚有利益

唐子西名酒之和者曰養酒之勁者曰齊

物論然則補益之酒貴味也當歸補



血奇珍園眼養心佳果也

請之仙人

校甘菊花益壽名之傳延

漿一甘厚腸胃

而潤肌膚燒酒之平行藥勢而通血脉且其配  
合性純和味甘美誠養生主也不夫沉湎無度  
醉以為常亦反致疾耳此大禹所以疏儀狄周  
公所以著酒誥雖為敗德之防亦寓墮軀之戒  
邵堯夫云美酒飲教微醉後此得飲法之妙所  
謂醉中趣壺中天者也斯盡養生主之旨矣

胞與堂主人洪九有

百花如意醪春醞

此醞益腎固精堅陽久戰且其品味不燥不熱真房術中之絕技也

角沉香 一兩 玖瑰花 一兩 苗薇露 一兩

梅花蕊 一兩 桃花瓣 一兩 韭菜子 一兩

核桃肉 八兩 白酒漿 五斤 子燒酒 五斤

右七味用一綃袋盛之 燻中再入

二酒封固窖月餘防  
美景良辰花朝月夕絲  
藉此醞以發興暢懷融融然何樂如之且  
飲醇襲芬恍若沉酣於百化春谷也更有  
一種妙處或行或止或久或速一任自如  
謂曰如意不亦宜乎

胞與堂主人洪九有

百藥長

此酒治男婦諸虛百損五勞七傷身體羸瘦胸膈脹滿脾胃  
不調四肢無力筋骨疼痛并風痰寒濕一切年登

當歸 二兩 川芎 五錢 白芍藥 一兩 懷地黃 四兩 白朮 一兩 炒

白茯苓 一兩 天冬 二兩 麥冬 二兩 牛膝 一兩 杜仲 一兩 炒

破故紙 一兩 茴香 一兩 五味子 一兩 枸杞子 四兩 陳皮 一兩

半夏 一兩 蒼朮 一兩 厚朴 一兩 枳殼 一兩 香附 一兩

砂仁 五錢 官桂 一兩 羌活 一兩 獨活 一兩 白芷 一兩

防風 一兩 烏藥 一兩 秦艽 一兩 何首烏 二兩 川草薢 一兩

乾茄根 四兩 晚蚕沙 一兩 乾薑 一兩 桑白皮 一兩 燒酒 六兩

右各藥共用一絹袋盛之懸掛 入酒封固寄半月

不拘時隨其量之大小多寡服 上麗乾研細末

爲丸服亦妙

余嘗讀漢史至王莽詔書云酒爲百病者莫酒若也虛損勞傷身體養其血白朮茯苓益其氣天冬麥冬潤心布牛杜紙茴補腰腎五味助其陰枸杞壯其陽白朮脹滿脾胃不調皆此長皮半夏蒼朮厚朴平其胃枳實香附砂仁之類調其中風寒痰濕力乏痛楚藉此長以帥羌活獨活白芷防風烏藥首烏秦艽草薢茄根桑沙薑棗之屬去其風散其寒燥其濕行其痰如此則疾自弱力自強而氣血自旺矣百藥之長名稱實也或疑味多不專殊不知七情五賊紛擾其中正宜此大長之長以安內攘外也譬之韓侯之兵多多益善云爾

胞與堂主人洪九有

五五酒

治五勞補五臟長肌膚澤容色壯筋實髓保神守中久服可延年

五穀 粳米六兩 黍米六兩 胡麻六兩 大麥米六兩 黑豆六兩

五果 圓眼肉六兩 紅棗肉六兩 白果肉六兩 胡桃肉六兩 蓮肉六兩

五仁 松子仁六兩 柏子仁六兩 杏核仁六兩 火實仁六兩 薏苡仁六兩

五子 枸杞子六兩 冬青子六兩 兔絲子六兩 覆盆子六兩 桑椹六兩

五精 巴戟六兩 甘菊六兩 首烏六兩 加六兩 桑椹六兩

二酒 白酒漿六兩 好燒酒二斤

先將五穀共蒸熟攤冷五果五仁取

之封固其口重湯煮三炷香取起

各味均一處用

燒酒浸三七再入白酒漿窖七七

三次一寒隨意

余製斯方用稻梁草木果味以養人

引之無其取數

之玄微又豈任臆耶易傳河圖象數二十

五五位相得而

各有合天數二十有五地數十凡天地之數十有五此所以成

變化而行鬼神也且五者土之生數也蓋土以五為本萬物皆致養

焉此酒配合品味用五五五二十以合天之數分兩用六五六三

十以合地之數酒用二象兩儀也斤用六十四象六十四卦也體天

地法陰陽其寓旨也深矣其有裨於人也弘矣余既製之又從而詳

說之以為尊生者指南

胞真堂主人洪九有

美髯醪

此酒烏髯神良

桑椹子

火烘乾二兩

何首烏

煮黑芝麻

冬青子

鹽水炒三兩

旱蓮草

鹽乾三兩

熟地黃

七兩懷慶者

烏反葉

切碎三兩

黑豆皮

三兩不仁豆

乾於化

炒辦三兩

烏犀角

三兩可銅罐

河水熬

滴水成珠

右用無灰酒六十斤將藥用紙袋盛之投入

酒內封固壘口煮三炷

灰土地上出火氣

不拘時多少隨意飲

同鹽少許引



入腎經為佳

夫人生世間頂天立地極入者惟藉髮眉  
爾豈可任其枯槁皓白而漫不為理乎此烏鬚  
之術宜亟講也斯桑椹首烏冬青旱蓮地  
茄花犀角青鹽烏飯黍黑豆中白烏鬚之聖藥  
漬之以酒者使循經絡達毛竅也向之枯者潤  
白者黑復為一美髯丈夫矣且考桑椹等品仙  
經聖典極稱其妙用故能補腎填精以顏盡壽  
豈區區烏鬚而已哉

胞與堂主人洪九有

斷蛇釀

治大麻風年深不愈眉毛脫落鼻梁崩壞額顙腫破身

癩膚裂足指潰爛并上中下諸般風濕等證

真靳蛇酒洗地龍去土各當歸酒洗川子微炒去

赤芍藥天門冬蒼朮米泔浸木鱉子去殼

細辛白芷荊芥穗蔓荊子

井菊花石菖蒲威靈仙何首烏

明天麻胡麻炒烏白蒺藜去刺

炙甘草紫參參苦參

木賊草去節定風草即天麻苗小各一燒酒五十斤

石咀片用絹袋盛之懸於燠同醞釀月二日食後避

風飲之以醉為妙

身半以上天之陽也病即氣血

初則以上二故眉落

鼻壞而顙破也身半以下地之

也細血受之血受之

則下病故膚癩足裂而指墮也

也手足白也人麻痺

荆靈仙荊芥甘菊木賊川芎蒺藜

定風草一以親

上可以驅風可以勝濕可以散

木石葛蒲草烏蒼

朮苦參紫參沙參首烏當歸甘草天麻芍胡麻可以親

下可以療濕可以解毒可以活血乃地龍者泥蟻之物濕

土所化也故能引諸藥以就濕新蛇者奔騰之類風動之

象也故能引諸藥以驅風此易所謂雲從龍風從虎也用

燒酒者為諸藥之向导令其徹上徹下行十二經而通治

也斯釀誠為深達癘風之奧旨矣

胞與堂主人洪九有

靈飛散

清腫解毒止淚明目去翳退赤收濕除爛治一切目疾

爐甘石

大瓶通紅用重便淬如此七次水洗淨研細水飛聽用每一兩

靈藥二錢

硃砂一錢

琥珀一錢

珠末一錢

牛黃一錢

熊膽一錢

麝香一錢

右和極勻每次用牙簪挑少許點眼閉目片時再點又

閉片時待藥力過然後以簪擦去藥涎熱水洗淨日二

附靈藥方 水銀五錢鉛錢五火硝錢八

開入水銀作一家再細研

城確內

並水封

固打火三炷香先文後武待

用

夫目證有內外治各不同

藥之

有眼內不同有喜服

而畏點者有喜點而畏點者不  
疾既成非點不退服藥如釜底  
汚須濯鏡垢須磨脂膏之釜不  
之方也若內障不服而視者徒數其火其氣血反似無  
益服而點者亦然外障服而不點若以公浮嫩不定者亦  
退既已結成者服雖不發不長所結不除當內外夾攻方  
盡其妙此靈飛散所宜製也是散也其石收濕除爛靈藥  
磨翳撥雲若砂珀珠末牛黃熊胆者皆解毒清熱止淚退  
赤明目之品也凡目有外證者俱可用

胞與堂主人洪九有

五膽膏

治一切火熱赤眼流淚爛弦怕熱羞明  
或痛或癢等證

熊膽

豬膽

兔膽

猪膽

羊膽

川蜜

等分

右將膽蜜入銀碗或銅鈔口微火熬成  
膏取起用磁盒藏之

毒點眼不効

夫目證內熱則瞼赤

微熱則

瘥熱盛則痛或痛或重  
則神濁昏冒故令晝不  
惡火故令不可以近燈  
則日月不明邪害空竅也五  
勝熱川蜜之潤足以濟火  
精也蜜者百花之精也皆有  
瑩潤之竅之妙焉

胞與堂主人洪九有

御製膏

治一切風氣寒濕手足拘攣骨節痠痛男子痞積女人血瘕及腰疼脇疼諸般疼痛結核轉筋頑癰頑瘡積年不愈腫毒初發楊腫現破者俱良

血餘

當歸尾

川芎

赤芍藥

生地黄

桃仁

紅花

蘇木

木香

茅香

丁香

丁皮

藿香

烏藥

南星

半夏

貝母

蒼朮

玄參

苦參

黃芩

黃柏

大黃

山梔

八花粉

枳殼

川烏

草烏

肉桂

良薑

艾葉

防風

荊芥

白芷

蘇干

羌活

獨活

連翹

藥本

秦艽

麻黃

續斷

牛膝

骨碎補

牙痛

五加皮

白麝皮

白芨

一蘇

大楓子

葶麻子

蒼耳子

五倍子

風藤

八靈山

黃節

降真節

僵蚕

全蝎

蟬退

蜈蚣

鱉甲

山甲醋

一蝦蟆

一個桃枝

即生

之皮

桑枝



續枝

續枝十一寸

兒茶

阿魏

錢五 撫丹 水麻油 斤十二

右各味用油浸十餘日方下鍋文武火熬

不用丹

不用丹

却將丹旋旋投入慢火熬至滴水成珠

不用丹

氣血人身之陰陽也陰陽調和則病不生苟失其調

疑氣滯而風以寒濕

諸痛痞腫之證作矣然內治固有丸而外治有膏

月更寬何術乎故以是膏

以澤夫世之有外患者血餘歸尾等八味活血行血之品也木香等六味行氣

調氣之品也南星等四味消痰燥濕之品也玄參等八味清熱涼血之品也川

烏等五味祛風散寒之品也荆防蛇蝎等三十五味散風攻毒群陰之品也桃

柳等七枝乃秉天地陰陽和氣而生每枝各用三七二十一寸并正所以調和

人身之陰陽也乳香等五味則有消凝導滯通關顯痛之妙焉凡丹油調劑成

膏此外合大隊之兵也効之神良余屢驗矣名曰御驗則其朝代亦未之詳耳

胞與堂主人洪九有

痛風膏

祛風散寒行痰治濕通治痛風之證神効

薑汁 一碗 葱汁 一碗 廣膠 八兩

牙皂 一兩 川椒 一兩 米醋 一碗

乳香 五錢 沒藥 五錢 麝香 一錢

右將薑葱汁同和皂入醋并熬

再加廣膠慢火熬入乳沒麝

香在內和勻每用貼處

經曰風為百病之數痛

國有寒有濕有風  
以其善行數變長於諸  
流血復被風寒襲之而  
善痛所以痛者濕痰死  
以走痛者風氣行二之  
象以膏也薑蔥疏  
通腠理廣膠發散皮膚  
椒皂麝香其寒開竅  
乳香沒藥消瘀止疼若  
米醋者發此藥耳如  
此透關疏表內邪易泄  
通外合以兵也

胞與堂主人決九有

玉蜀丹

治男子精寒陽事痿弱舉而不堅堅而不久白濁遺精并婦人稟受氣弱胎臟虛損子宮冷薄血寒痛經成子息帶下崩漏等證貼之俱有奇效

此藥專治一切虛寒之症

其為如神尤如厚子大

納元入腦內等症

一定行不誤也

半份為佳他藥大

文如抽絲等症

必不天於此也

通指白濁又能種子

此藥夜間貼之尤

萬日黃金也

散其品

是青木香 蛇床子

其本至 官桂

其本至 官桂

其本至 官桂

其本至 官桂

固精丸 腎暖胎膏

治男子精寒陽事痿弱舉而不堅堅而不久白濁遺精并婦人稟受氣弱胎臟虛損子宮冷薄血寒痛經成子息帶下崩漏等證貼之俱有奇效

韭菜子一兩 蛇床子一兩 附子一兩 肉桂一兩 川椒一兩 真麻油二斤

撫丹十二兩

倭硫黃一兩 母丁香一錢 香三研獨在相

右將前五味用香油浸十月入鍋內炒至枯黑濾去油入丹再熬滴水成珠捻軟硬得中即成膏生用大紅紙如酒盃口大將倭硫丁麝香以獨亦搗爛為丸如豌豆安於膏藥內貼之

夫精乃腎中之真水也全賴真

寄於腎